

〔日本書紀五〕四十八年正月戊子、天皇勅豐城命活目尊仁垂曰、汝等二子慈愛共齊、不知曷爲嗣、各宜夢、朕以夢占之。

〔日本書紀七〕景行五十二年八月丁卯朔、天皇詔群卿曰、朕願愛子ウケミシ何日止乎、冀欲巡狩小碓王日本武尊、所平之國、是月乘輿幸伊勢、轉入東海。

〔日本書紀十〕應神四十年正月戊申、天皇召大山守命、大鷦鷯尊仁問之曰、汝等者愛子ウケクシヤ耶、對言甚愛也、亦問之、長與少孰尤焉、大山守命對言、不逮于長子、於是天皇有不悅之色、時大鷦鷯尊預察天皇之色、以對言、長者多經寒暑、既爲成人、更無悒矣、唯少子者、未知其成不、是以少子甚憐之、天皇大悅曰、汝言寔合朕之心、是時天皇常有立菟道稚郎子爲太子之情、然欲和二皇子之意、故發是問、是以不悅、大山守命之對言也。

〔日本書紀十九〕六年十一月、膳臣巴提便還、自百濟言、臣被遣使、使妻子相逐去、行至百濟濱濱海、日晩停宿、小兒忽亡、不知所之、其夜大雪、天曉始求、有虎連跡、臣乃帶刀、擐甲、尋至巖岫、拔刀曰、敬受絲綸、劬勞陸海、櫛風沐雨、藉草班荆者、爲愛其子、令紹父業也、惟汝威神、愛子一也、今夜兒亡、追跡覓至、不畏亡命、欲報故來、既而其虎進前、開口欲噬、巴提便忽申左手、執其虎舌、右手刺殺、剝取皮還。

〔萬葉集五〕雜歌神龜五年七月二十一日、筑前國守山上憶良上略○中

思子等歌一首并序

釋迦如來金口正說等思衆生如羅喉羅、又說愛無過子、至極大聖、尙有愛子之心、況乎世間蒼生、誰不

愛子乎、

宇利波米婆、胡藤母意母保由、久利波米婆、麻斯提斯農波由、伊豆久欲利、枳多利斯物能會、麻奈迦比爾、母等奈可、可利提、夜周伊、斯奈佐農。

反歌